

國方志叢書·華中地方·第八六八號

據

清·歐陽駿等修，周之鏞等纂
清同治十二年刊本

影印

江 西 省

萬安縣志

(一)

成文出版社有限公司印行

萬安縣志

同治十二年癸酉八月重刊
刻溪周之鏞書

續修萬安縣志序

古者自王朝以至列國莫

不有史其事詳而確其

文簡而明若晉乘楚檮

杌魯春秋以及羊舌肸晉

春秋墨子所引燕春秋皆
是也秦以後廢封建為郡
縣幅員既廣耳目難周於
是守土之責者皆得各
司其事旁搜博採而筆

之於書此郡縣志所由昉
也萬安毘連五邑旁達兩
湖上當章貢之衝下扼吉
隆之要山深林密實乃隩
區六年夏余奉巡贛南等

高身集卷之四
震稔知其地險峻其民樸
誠自咸豐四年以來迭遭兵
燹守義赴難之士女既
殆不勝屈而人才繼起百蹟
就湮者亦復不少今慮後

之無所考證也方議重事

修輯適年

命提刑隴右以主逾年中丞峴

莊劉公檄所屬郡縣亟

為舉行時歐陽大令駿宰

萬安同局經怡未幾解任去
周大令之鏞繼之知其事易
弛而難緩也招是獨任其
艱悉心採訪將舊志所載
者刪其繁蕪歸於簡要誤

者正之漏者補之而猶恐遐
陬僻壤未盡周知乃督飭
邑紳廣為蒐羅以憑多取
閱三年始克其事書成郵
寄示余之惟地志之體肇于

高貴詳于周禮縣方氏漢
光武詔撰南陽風俗記厥制
加詳自後若晉摯虞畿服
經唐李吉甫元和郡縣志宋
樂史太平寰宇記王存元

皇九域志並主詳贍而明韓
邦靖志朝邑康海志武功獨
以簡括矯之為世所推重然
會稽章學誠嘗條舉其
失而論之雖質之作者亦

無以解也竊謂文無繁簡
惟以實事求是有裨于政
治人心風俗為主今閩是編
喜其事詳而確文簡而明
是以信今傳後而不愧于

守土之責也爰系数語於

簡端以志歲月云

賞戴花翎布政使銜甘肅按察使

前署江西吉南鎮甯兵備道

策勇巴圖魯平江張岳齡

撰



同治十二年冬月穀旦

粵稽在昔史書肇自陶唐志
書昉於班固志者史之流也其
名餘殊其用相符有統志有
通志而輜軒所採要必邑志為
權輿是邑志之所關尤非淺鮮
為安縣志創自熙寧成於宣德
迨至

國

朝一修於康熙辛亥再修於康
熙己巳三修於道光甲申迄今
又數十年矣其變一條亟須搜
輯以資考證邑宰周君西樵
蒞任以來百廢具興生斯土者
秉澹溪先生遺教亡不以恤仁
尚義為鄉黨先故邑志之成也